



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Sectio IX. De iis quæ Rescriptis justitiæ sunt peculiaria.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

REGULA II.

Hinc si Quis sub futura conditione Beneficium impetrat, alius verò purè ante conditionis hujus eventum, posterior priori præfertur.

C. 13. De Rescript. in VI.

§. II.

De Rescriptis Disjunctivis.

REGULA A.

In Rescripto Disjunctivo (*quale, quo præcipitur aliquid fieri, si hoc, vel illud ita se habeat*) sufficit, quod una pars sit vera.

C. 4. De Rescriptis.

§. III.

De Rescriptis Obreptitiis, Subreptitiisve.

Notandum, per Rescriptum Obreptitium intelligi, illud, in quo tacetur veritas exprimenda; per Subreptitium verò, intelligi illud, in quo suggiritur falsitas: Notandum iterum, Rescriptum Obreptitium dici posse Subreptitium, quia surripitur Concedenti, qui si sciret quod tacetur, Rescriptum denegaret. His notatis haec traduntur Regulae.

REGULA I.

Fundamentum notatae distinctionis inter Rescripta Obreptitia, Subreptitiave in Canone reperitur: ipsa verò distinctione nequaquam, immo contrarium quid in eo habetur.

I. Pars patet ex C. 20. De Rescript. & ex. C. 7. De Fide Instrum.

II. Credenda, donec citetur aliquis Canon, in quo talis distinctione exprimatur.

III. Pars est in Cap. 22. de Rescript. & in C. 21. 23. de Præb. C. 41. de Excom. Vocant Surreptitia Rescripta, in quibus veritas exprimenda tacetur.

REGULA II.

Obreptio vel Surreptio non eundem habent effectum, in quovis Rescripto.

Infurit ex C. 8. & 22. de Rescript. quæ docent, Rescriptum Justitiae Obreptione, vel Surreptione fieri annulationi obnoxium: Rescriptum verò Gratia, eadem Obreptione, vel Surreptione fieri nullum.

REGULA III.

Triplex est Clausula, quæ impedit, ne Obreptio, Subreptio noceat, Motu proprio, Nobstante, Ex certa scientia.

De Primâ fit mentio in C. 23. de Præb. in VI. de secundâ in C. 21. ibid.

§. IV.

De Rescriptis proprio Motu datis.

REGULA I.

Ut sunt Rescripta, quæ ad Impetrantium petitionem vel aliorum dantur, ita sunt, quæ ex merâ Concedentis benignitate procedunt & Rescripta de Motu proprio dicuntur.

C. 23. de Præb. in VI.

REGULA II.

Nullum Rescriptum proprio Motu datum reputandum est, nisi id in eo exprimatur. ibid.

REGULA III.

Clausulae, proprio Motu, non alia vis, quam ut impedit, ne Rescriptum Obreptitium Surrep-

Tom. I.

titum censetur, & ut denotet Papam immediatam jurisdictionem prætendere in eos, quibus illa diriguntur.

Id operatur citata Clausula, aliud autem operari ex nullo juris Textu colligere fas est.

§. V.

De Rescriptorum stylo.

REGULA A.

Non alia in Canone habentur ad Rescriptorum stylum pertinentia, quam ista.

I. Episcopi, Archiepiscopi, aliisque Superiores vocantur à Papa Fratres; non Filii: ceteri verò vocantur Filii.

II. Papa scribens singulis Personis plurali locutione non utitur.

§. V I.

Comprehendens ceteras Rescriptorum Divisiones.

REGULA I.

Rescripta alia sunt Excitoria, alia Restitutoria, alia Attributoria.

Excitoria sunt, quibus Ordinarius ad ea facienda excitat, quæ ex Officio facere potest & debet: Restitutoria sunt, quibus Ordinario præcipitur, ut quæ alias poterat, ut Ordinarius, nunc tamquam Sedis Apostolice Delegatus faciat; Attributoria sunt, quibus Ordinario, quæ ut Ordinarius non potest, nec alias potuit, committuntur.

REGULA II.

Primi & Secundi generis Rescripta à Rescriptis Tertiis generis in eo differunt, quod quæ vi illorum fiunt, autoritate Ordinaria fiant, ideoque in eis Appellatio immediata ad Prælatum proxime Superiorum devolvitur. Que verò in istorum executionem fiunt, autoritate Delegatâ fiant, ideoque ad Committentem Appellatio devolvitur.

Prior Regula Pars expresa habetur in C. 12. de Off. Ord. quoad Rescripta Excitoria: Quoad alia verò, ex pluribus Concilii Tridentini locis prefata autoritas Delegata colligitur, cum doceant Ordinarii, post factam ab eodem Concilio restitutionem, tamquam Delegatum agere debere in iis, quæ alias ut Ordinarius faciebat. Infurit etiam ex Eod. Cap. 12. restitutione enim, quæ aliena erat jurisdictione ejus propria fit, cui restituitur. Hoc fusiū explicatur in Tractatu de Jurisdictione Ecclesiastica in II. Tomo, inserendo.

SECTIO IX.

De iis, quæ RESCRIPTIS JUSTITIAE sunt peculiariae.

REGULA I.

Quidquid ratione Materiæ convenit Rescripto Justitiae, id sibi peculiare habet. Hinc quæcumque huic Rescripto convenient ex eo, quod Forum Contentiosum respiciat, sibi peculiaria sunt.

REGULA II.

Non alia habentur in Canone Rescriptis Justitiae peculiaria, quam ista.

I. Non diriguntur nisi Dignitatem vel Personatum Habentibus aut Canonicos Ecclesiae Cathedralis, nec executioni mandantur nisi in Civitatibus vel Locis Insignibus. C. 11. de Rescript. in VI.

II. Si quis Duplici Rescripto delegetur ad eamdem Causam, Generali, quo Causa non exprimitur, sed tali modo

modo tractari jubetur, cum expressa fuerit, & Specialis, quo Personae & Res exprimuntur: nonnullaque mutantur quoad procedendi formam; Speciale, Rescriptum Generali derogat, quoad ea, quæ specialiter exprimit. C. 14. §. Quoniam. De Refor.

III. Rescriptum, quo Personis & Rebus non expressis, sed postea exprimendis Causa committitur, jurisdictionem dat, sed non exercitum Jurisdictionis: istud verò accipitur Rescripto, quo postea Res & Personæ exprimuntur. *ibid.*

IV. Rescriptum expressè obtentum contrà Minores & viiores Personas, ad Majores extendi non potest. C. 15. eod. Tit.

V. Clausula & quidam alii non est ad multitudinem effrenatam extendenda, sed exponenda, ut in C. 2. de *Script.* in VI. *ibid.*

VI. Rescriptum, quo Impertrans non utitur contrà expressos sed contrà Minores, vel Pares non expressos, censetur dolo obtentum, ideoque ut nullum habetur. *ibid.*

VII. In Causâ Monasterii, in quo Abbatis & Conventûs negotia non sunt discreta, valet Rescriptum, quod Solius Abbatis meminit, vel quod contrâ solum Abbatem impetratur. C. 21. de *Script.*

VIII. Rescriptum Subreptitium non est nullum: hinc patet, quod omissione Clausula, si *Preces veritate nitantur*, non annullat id genus Rescripti. C. 22. de *Script.* expressè dicit, hanc Clausulam subintelligendam, si omititur, & de Rescriptis Justitiae manifestè loquitur.

IX. Qui Rescripto ex malitia vel negligentia intrâ annum non utitur, alio potest conveniri, eti Primi non meminerit. C. 28. eod. Tit.

X. Rescriptum ultrâ duas Diætas extrâ Dicecsum Reum trahens, non valet, nisi Partes consenserint, vel id Constitutionis id prohibentis meminerit. Gallia factam huic Constitutioni Derogationem non probaret, Parte Adversâ de hoc conquerente. C. 28. *ibid.* Corrigitur hoc Caput *Cap. 11. de Script. in VI.*

XI. Impetratum sine Speciali Domini Mandato Rescriptum non valet, nisi à Consanguineis vel litis Consortibus aliisque similibus impetratum sit; idem si Mandatum revocatum fuerit, & revocatio Procuratori innotuerit. In Gallia sine tali Mandato valide impetratur. C. eod. §. sunt & alii. C. 33. eod. Tit.

XII. Admittens Appellationem Rescriptum circa executionem anterioris Rescripti, prævalet Rescripto, quod Causam commisit, cuiusque executio Appellatiōni locum præbuit. C. 29. eod. Tit.

XIII. Successor conveniri nequit Rescripto in Praedecessorem impetrato, si iste ante mortem vi illius ad Judicium non sit vocatus, præterquam si succedat in vitio: cuius ratio est, quia Rescriptum expirat cum eo, contrâ quem impetratum est, si res sit adhuc integra. C. 36. eod. Tit. C. 11. de *Judiciis.* C. 36. de *Script.*

XIV. Rescripta Impetrantes, iisque Utentes, ut alios quoquo modo vexent, illorum conmmodo frustrati in expensis sunt condenandi. C. 44. de *Script.* huc referri potest. C. 16. eod. Tit. quod privat Prioris Rescripti commodo eum, qui aliud dolo impetrat non factâ illius mentione.

XV. Fiunt inutilia, nisi Impertrans iis intrâ annum utatur. C. 9. & 33. de *Ref.*

XVI. Vis eorum expirat, si Concedens moriatur nondum incepta executione. C. 19. & 20. de *Deleg.*

XVII. In Causa Reali Rescriptum sequitur rem, quam respicit, unde vi illius conveniri potest is, ad quem transmittitur post Rescripti Impetratiōnem. C. 1. de alien. *Jud. mut. causa.*

XVIII. Id ad quod Jure Communi Rescriptum extenditur, tanquam expressum habetur, si prætermittatur. C. 1. de *Mut. Petition.*

XIX. Sub eadē Rescripti formâ reconveniri potest Actor, sub quâ Reum convenit. C. 2. de *Mut. Pet.*

XX. Rescriptum Appellationem prohibens, injustam

tantum prohibet. Clausula autem, quâ Appellatio prohibetur, non convenit nisi Rescripto Justitiae. C. 47. de *Appell.*

XXI. Rescriptum rei litigiosæ Confirmatorum non valet, rei verò legitimè posse ita valet, ut aësque Sedis Apostolicæ Mandato de eâ cognoscere Judicium non licet. C. 1. 2. de *Conf. Util. &c.*

XXII. Prelatus in Causis Prioratum sibi subditorum, vi Rescripti Reum convenire nequit, nisi ubi Priors posse, si alibi conveniat, in expensis damnatur, & Processus est irritus. Clem. I. de *Script.*

XXIII. Cum Justitiae Rescripta facilimè impetrantur, non præsumitur Quis falsa heusmodi Rescriptum, nec punitur qui ex ignorantia vincibili falso Justitiae Rescripto utitur, modò uti desierit statim, ac illius falsitas sibi nota facta est. C. 8. de *Crim. Falsi.*

XXIV. Rescriptum, quo committitur Judge notoriè suspectus, surreptitum judicatur, si de tali suspicio-ne nulla fiat in illo mentio. C. 2. Ut lite non Contest.

SECTIO X.

De iis, quæ RESCRIPTI GRATIA pecunia sunt.

REGULA.

Non alia in Canone leguntur Rescriptis Gratia pecunia, quam quæ sequuntur.

I. Dantur ad tempus indeterminatum, scilicet ad neplacitum, vel Pontificis vel Sedis Apostolicæ; si ad Pontificis, ex parte cum illis, si ad Sedis Apostolicæ, durant, donec revocentur. C. 5. de *Ref. in VI.*

II. Tempus Datae attenditur, non Praefontationis, nisi cum non appareat, Quis prius impetraverit, &, si Impetrantes in omnibus sint æquales, locus est Gratificationi. Attenditur autem tempus Datae, quia Rescriptum istud ad rem jus dat, eo ipso, quo obtinetur, si Beneficia respiciat. C. 9. 12. *ibid.* Idem habetur. C. 7. & 30. eod. Tit. in *DECRET.* C. 14. *ibid.*

III. Rescriptum ad Beneficium obtainendum irritum est, si aliud ab Impetrante jam possessum in eo taceatur. C. 17. 27. 42. eod. Tit.

IV. Rescriptum in Beneficio restituens non valet, nisi causam, ob quam Impertrans ab eo erat amotus, exprimat. C. 6. eod. Tit.

V. Rescriptum, quo Beneficium conceditur ei, qui simili Rescripto renunciavit ob alia Beneficia vel Pensiones, irritum est, si Primi sic venditi non meminere. C. 31. eod. Tit.

VI. Executio de Beneficio Rescriptum non valet, nisi Monitorium, de quo mentionem facit, præcessit. C. 37. eod. Tit.

VII. Rescriptum cum hac Clausula, si pro alio non scriptissimus, non valet in Ecclesiâ, in quâ vi Rescripti ejusdem Pontificis aliquis obtinuit Beneficium, vel ad hoc receptus est. C. 39. eod. Tit.

VIII. Pontifex, qui in unâ Ecclesiâ Rescriptum Praedecessoris sui executus est, potest aliud in eadem alteri concedere, quin illam bis gravet. C. 39. eod. Tit.

IX. Speciali gravatus Rescripto non est iterum gravandus vi Generalis Rescripti, quo jubetur Episcopus, ut alicui provideri faciat in Diœcesi suâ, ubi pro alio non est scriptum. C. 40. eod. Tit.

X. Gratia alicui concessa sine alterius lassione interpretanda est, & si quæ fiat, compensanda est. C. 12. de *Deleg.* C. 1. Lit. pend. C. 16. de *Maj. & Obed.*

XI. Rescriptum Gratia Obreptitium, vel Subreptitium, est nullum, sive Beneficia, sive alias Gratias recipiat. C. 8. 17. 19. 27. 31. 32. 37. 42. de *Ref.* & C. 6. eod. Tit. in VI. Quæ omnia de Beneficiis loquuntur C. 16. de *Ref.* & C. 7. de *Fid. Instr.* C. 2. de *Fil. Presb. CONC. TRID. SESS.* XIII. C. 5. de *Ref.*

XII. Hinc